

## XIV ZIMSKE OLIMPIJSKE IGRE

Najveća sportska manifestacija do sada održana u našoj zemlji bile su XIV Zimske olimpijske igre Sarajevo '84.

SOUR UPI kao jedan od nosilaca razvoja i proizvodnje hrane u SR BiH, bio je zadužen pored ostalog, da snabdije olimpijska sela, borilišta, ugostiteljske i druge objekte hranom.

U tom smislu i naša OOUR je dobila zadatak da iz svog proizvodnog programa (mlijeko i proizvodi od mlijeka) obezbijedi snabdijevanje istim.

Pripreme su počele još u toku ljeta 1983. godine, a odnosile su se na obuku ljudstva, obezbjeđenje repromaterijala, transportnih sredstava i drugo.

Po završetku igara možemo konstatovati, a to je ocjena najodgovornijih u gradu i SOUR-a UPI, da smo svoju obavezu snabdjevača, ne gledajući ekonomske efekte, u potpunosti ispunili.

Isto tako moramo istaći i učešće ostalih mljekara i pomoć u snabdijevanju za vrijeme XIV ZOI i to: PKB, Mljekara — Banja Luka, Karlovac, Novi Sad, Zaječar i Varaždin.

Osnovni zadatak proizvodnje u ovom periodu bio je slijedeći:

- rigoroznija kontrola kvaliteta sirovine — odabiranje kvalitetnih sirovina i repromaterijala,
- efikasna kontrola i evidencija rezultata kontrole u svima fazama,
- kontrola svih faza proizvodnog procesa,
- pooštrena kontrola finalnih proizvoda.

Kod kontrole sirovina i repromaterijala vodilo se je računa da se isključe potencijalne kontaminacije i da se što manje odstupa od higijenskih i tehničko-tehnoloških normi.

Posebna pažnja je posvećena održavanju higijene uređaja za proizvodnju radnih prostorija i zaposlenog osoblja.

Kontrola finalnih proizvoda obavljala se vrlo temeljito: organoleptički, bakteriološki te fizičko-kemijski.

Za svaki proizvod izdavan je atest o zdravstvenoj ispravnosti, ovjeren od strane veterinarskog inspektora mljekare i veterinarskog inspektora gradske inspekcije.

Dezinfekcija i plombiranje vozila bilo je obavezno. Izvršena je dosljedna funkcija kontrole kvaliteta finalnih proizvoda. Nedovoljno kvalitetni proizvodi nisu mogli ići u promet.

Kontrola proizvodnih procesa i kontrola kvalitete proizvoda bila je jedinstvena. Osnovni cilj ove kontrole bio je isti: proizvodnja kvalitetnog i postojećeg proizvoda.

Dipl. inž. Perić Ante